

Kroasië & Slowenië

26 Junie tot 7 Julie 2027

Kom saam op ons 12-dae toer in die skoolvakansietyd na die hoogtepunte van **Kroasië & Slowenië**. Die spesiale groepstarief beloop **R54 990** per persoon en sluit alle besigtiging en twee goeie etes elke dag in.

Reisplan

Dag 1: Saterdag, 26 Junie Kaapstad / Johannesburg →

Die groot dag breek uiteindelik aan! Ons vertrek laatmiddag vanaf Kaapstad en Johannesburg na Europa. Oornag aanboord na aandete.

Dag 2: Sondag, 27 Junie → Zagreb

Na 'n vroeë ontbyt arriveer ons in **Zagreb**, Kroasië se hoofstad. Ons reis per bus na die sentraalgeleë **Dubrovnik Hotel**, geleë in die hartjie van die stad. Daar is tyd om uit te pak en te rus. Om **14:00** ontmoet ons in die hotel se voorportaal om saam met ons plaaslike toergids besigtiging van hierdie mooi stad te doen. Sien onder andere die imponerende Katedraal en St Markus Kerk. Om **19:00** kom ons bymekaar vir aandete in die hotel.

Dag 3: Maandag, 28 Junie Zagreb → Plitvice

Na ontbyt moet ons die interessante hoofstad van Kroasië groet. Ons vertrek per bus na die **Plitvice Nasionale Park** (toegangsgelde ingesluit), geleë in sentrale Kroasië. Dit is beslis een van die hoogtepunte van ons toer om die manjifieke sestien kristalhelder mere, verbind deur talle watervalle, te beleef. Ingesluit by ons toegang is 'n bootvaart op een van die groot mere.

The **Plitvice Lakes National Park** is the oldest and largest national park in the Republic of Croatia, famous for its numerous turquoise-coloured lakes separated by tufa, or travertine, barriers. Its karst landscape is characterised by specific hydrological traits and exceptional biological diversity, which helped the National Park gain international significance.

Aandete en oornag in die **Big House Hotel** in die Plitvice-omgewing.



Die skilderagtige Plitvice-watervalle

Dag 4: Dinsdag, 29 Junie Plitvice → Trogir

Na ontbyt reis ons suidwaarts deur die mooi landskap na die bekoorlike middeleeuse dorp **Trogir**, digby Split. Volgens legendes bestaan hierdie dorp al langer as 2 300 jaar! Geen voertuie word in die middedorp toegelaat nie en dit is 'n belewenis om daar rond te stap. Ons bly twee nagte oor in die vier-ster **Trogir Palace Hotel**. Aandete om 19:00.

Dag 5: Woensdag, 30 Junie Trogir → Split → Trogir

Na ontbyt vertrek ons per bus na Split vir ons besigtigingstoer van hierdie hawestad. Ons ontmoet ons plaaslike gids en besoek onder andere die fassinerende paleis van Diocletius (toegangsgelde ingesluit). Ons het daarna vrye tyd om hierdie besige hawestad verder op ons eie te verken. Maak seker dat jy van Kroasië se watertand-roomyse proef! Aandete om 19:00.

Dag 6: Donderdag, 1 Julie Trogir → Dubrovnik

Dit is tyd om Trogir te groet na ontbyt. Ons vertrek met die pragtige kus-roete verder suidwaarts na **Dubrovnik**, die pêrel van die Adriatiese See. Ons bly die volgende twee nagte oor in die **Adria Hotel**. Aandete om 19:00 in die hotel.

Dubrovnik, historically known as Ragusa, is a city on the Adriatic Sea in the region of Dalmatia, in southern Croatia. It is one of the most prominent tourist destinations in the Mediterranean Sea, a seaport and the centre of Dubrovnik-Neretva County. Situated in an exclave, it is connected to the rest of the country by the Pelješac Bridge. In 1979, the city of Dubrovnik was added to the UNESCO list of World Heritage Sites in recognition of its outstanding medieval architecture and fortified old town.



Die Middeleeuse dorp Trogir



Ons besoek Cavtat per boot vanaf Dubrovnik

Dag 7: Vrydag, 2 Julie Dubrovnik → Cavtat → Dubrovnik

Na ontbyt besoek ons Dubrovnik se indrukwekkende ou stad. Die stad is basies onveranderd vanaf die dertiende eeu – vol van pragtige kerke en paleise. Toegangsgelde om die Fransiskaanse Klooster met ons gids te besoek is ingesluit. Na 'n besigtigingstoer van drie ure saam met 'n plaaslike gids, het ons vrye tyd om die stad verder te verken. Vir die fiksies is daar kans om op die ou stadsmure reg rondom die stad te stap vir 'n onvergeetlike ervaring!

Na ons besigtigingstoer en vrye tyd vertrek ons met 'n privaat boot na die pragtige hawedorp **Cavtat**. Die vaart van sowat 15km verby verskeie eilande is 'n besondere ervaring. Na vrye tyd by Cavtat keer ons weer per boot terug na Dubrovnik. Vir diegene wat in die Mediterreense see wil swem, is daar 'n mooi strand net langs die ou stad! Die seewater in Kroasië is kristal-helder. Aandete in ons hotel.

Dag 8: Saterdag, 3 Julie Dubrovnik → Krka → Zadar

Na 'n ontbyt reis ons per bus noordwaarts na die mooi kusdorp **Zadar**. Laatoggend stop ons by die natuurskone **Krka Nasionale Park** (bootrit ingesluit). Laatmiddag besoek ons die ou stad van Zadar wat naby ons hotel geleë is. Ons bly vanaand oor in die sentraalgeleë, vier-ster, **Kolovare Hotel**, geleë by een van Zadar se mooiste en gewildste strande. Maak seker dat jy ook Zadar se See-orrel hoor speel! Aandete is om 19:00 in ons hotel.

Dag 9: Sondag, 4 Julie Zadar → Postojna → Bled

Na 'n vroeë ontbyt moet ons Zadar groet en ons reis noordwaarts al langs die kus en gaan die grens tussen Kroasië en Slowenië oor. Ons reis verder na die besondere **Postojna Grotte**. Dié grotte is meer as twee miljoen jaar oud en dit is die grootste grot-formasie in Europa. Ons ry vir ongeveer 7 km met 'n treintjie deur die grotte (toegangsfooi ingesluit). Die gemiddelde temperatuur in die grotte is net 8°C. Onthou dus om iets warm saam te neem.

Laatmiddag arriveer ons in **Bled**, 'n prentjiemooi dorpie geleë teen 'n meer, aan die voet van die *Julian Alpe*. Ons bly die volgende twee nagte oor in die sentraalgeleë **Astoria Hotel**. Buffet-aandete om 19:00 in ons hotel.



Vaar met 'n Pletna op Bled-meer in Slowenië!



Raak verlore in Ljubljana, Slowenië se hoofstad

Dag 10: Maandag, 5 Julie Bled

Na ontbyt ontmoet ons ons plaaslike gids en besoek die **Bled Kasteel**, wat dateer uit die elfde eeu. Daarna vaar ons op tradisionele bootjies, *Pletna's*, na 'n klein eiland in die middel van die meer, waar ons die Kerk van *St Mary of the Lake* besoek (toegangsfooi ingesluit). Dit is een van die hoogtepunte van ons toer!

Vanmiddag vertrek ons bus na **Ljubljana**, die hoofstad van Slowenië. Ons ontmoet ons plaaslike toergids vir 'n staptoer deur hierdie interessante stad. Ons besoek onder andere die **Ljubljana Kasteel**, wat dateer uit die dertiende eeu. Ons ry met 'n tandrat-trein (toegangsfooi ingesluit) na die kasteel. Laatmiddag keer ons terug na Bled vir ons laaste gesamentlike aandete om 19:00.

Dag 11: Dinsdag, 6 Julie Bled → Ljubljana-lughawe →

Dit is ons laaste oggend in Europa! Na ontbyt en vrye tyd in Bled moet ons sak en pak vertrek. Ons reis per bus vanaf ons hotel na die Ljubljana-lughawe, vanwaar ons vlug vertrek na Suid-Afrika. Aandete word op die vlug bedien.

Dag 12: Woensdag, 7 Julie → Johannesburg/Kaapstad

Vroegoggend word ontbyt op ons vlug bedien. Na 'n wonderlike belewenis in **Kroasië en Slowenië** land ons in Johannesburg en Kaapstad.

INGESLUIT BY DIE TOERKOSTE:

- ✓ Internasionale vlugte in die ekonomiese klas vanaf en na Johannesburg. Daar is 'n addisionele koste van R1 850 vir die retoerflug vanaf en na Kaapstad.
- ✓ Lughawebelastings en brandstofheffings vir al die vlugte.
- ✓ Luukse busvervoer deurentyd, met alle parkerings- en tolgeldkoste.
- ✓ Verblyf in die uitgesoekte drie- en vier-ster hotelle soos in die reisplan genoem.
- ✓ Volle ontbyt en aandete elke dag.
- ✓ Alle besigtiging (met toegangsgelde waar nodig) soos in die reisplan uiteengesit.
- ✓ Die dienste van plaaslike Engelsprekende toergidse in Zagreb, Plitvice, Split en Dubrovnik, Bled en Ljubljana.
- ✓ 'n Retoer-bootrit tussen Dubrovnik en Cavtat, 'n bootrit in die *Krka Nasionale Park* en 'n Pletna-bootvaart op die Bled-meer.
- ✓ Die dienste van 'n ervare toerleier deurentyd.

LET ASSEBLIEF OP DIE VOLGENDE:

- Die voorlopige toerkoste van **R54 990** is gebaseer op lugreisgelde en landreëlinskoste in Maart 2026. Dit is gebaseer op 'n wisselkoers van €1 = R19,50 en is onderhewig aan wisselkoers-veranderings.
- Visumkoste van ± **R1 800** vir 'n Kroasiese Schengenvisum, asook ongeveer **R600** vir die hanteringskoste aan die visum-aansoeksentrum, is nie ingesluit by die toerkoste nie. Ons sal help met inligting oor die Schengen visum-aansoek en die nodige dokumente aan almal verskaf.
- Die bybetaling vir diene wat 'n enkelkamer verlang beloop **R8 880**.
- Billike en omvattende groeps-reisversekering van **Santam** is beskikbaar vir alle toerlede onder die ouderdom van 70 jaar teen **R420** vir die twaalf dae (vir diene ouer as 69 jaar is daar 'n hoër tarief).
- Indien daar probleme met die bespreking van een van die genoemde hotelle mag ontstaan, sal daar van 'n soortgelyke hotel gebruik gemaak word.
- Ten minste 38 passasiers moet deurgaans saamreis.
- 'n Deposito van **R7 000** moet so gou as moontlik vereffen word om 'n plek op die toer te verseker.
- Die balans van die reisegeld moet **voor 20 Maart 2027** vereffen word.
- Kredietkaart-betalings word ongelukkig nie aanvaar nie.

HOE OM TE BESPREEK:

Voltooi so gou as moontlik die besprekingsvorm en vrywaringsvorm en e-pos dit aan info@vandyktours.co.za.

Deposito's moet inbetaal word op (of oorgeplaas word na) die volgende rekening by

Nedbank: 119 1533 964

Tak: George

Takkode: 198 765

Rekeninghouer: Van Dyk Travel

Tipe rekening: Tjek/Besigheids

Verwysing: **CRO27/en u van**

Kontak die toerleier, **Renhard van Dyk**, vir enige verdere navrae:

Tel nr: 082 767 8400

Faks nr: 086 733 8987

E-pos: info@vandyktours.co.za



Ons ry met 'n treintjie deur die manjifieke Postonja-grotte!



VAN DYK TOERE

INNOVERENDE KWALITEIT SEDERT 1995